


成案所見集 三集



			九	漢
		二	二	書
	八	四	四	門
四	二	四	九	
冊	架	函	號	類

政書二十三

內閣文庫

內閣文庫	
番號	漢 9249
冊數	48 (41)
函號	296 104

一之三



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





乾隆五十八年春鑄

浙江仁和卧郿氏錄

# 威案所見 三集

再思堂藏板

續纂改比照成案所見三集目錄

名例

恩詔

恩詔後緣事革職不准請封所請

誥軸着繳銷仍罰

俸年



文武官犯私罪

進士舉貢生監如黨惡夥匪卑污下賤照平人例一律

辦理

常赦所不原

新集目錄





賊犯 赦前到官撥免 赦後到官仍行克徒

流犯在道會赦

有關人命徒罪案件遇 赦專案咨部

犯罪存留養親

雇人頂名代考擬軍不准留養

克軍地方

逃流改發克軍不准發雲貴兩廣地方

職制

舉用有過官吏

降調人員捐復部駁不准留任奉 旨姑念辦理兵差

着照督請後不為例

前後接算五年俸滿題陞同知部駁不准巡撫罰俸九

個月

擅勾屬官

已革刑書私收放地不肯繳價知縣依法杖責致斃奉

旨不應叅革

地方官緝拿要犯誤拿形跡可疑之人奉 旨免議

營員駐劄本有彈壓之責民人酗酒滋事當予杖責致



斃罪所應得毋庸革職

外委巡洋鎗傷多命問擬斬候奉 旨民船不服查問

又用石擲打致鎗斃命事屬因公分責革寬免治罪

民人私設斗行縣禁不遵上控府審擬以枷責行縣

發落又挺撞抗官致責身死撫叅革審奉 旨予以

降調亦足蔽辜

公式

事應奏不奏

武員俸滿調取引 見始奏衰老該員降頂帶二級休

致督撫議處

總兵將無辜作為逆犯知縣力爭保釋扶同總兵通報

作為獲犯正法戮屍

田宅

檢踏田糧災傷

賑饑自應錢米並用不可另派大臣

倉庫

攬納稅糧

生員攬納糧米多取費用照誑騙治罪枷號監生與人



代納重杖斥革

侍衛包攬漕米赴縣說情知縣捏詞具稟叅審奉旨

從寬知縣革職留任侍衛改擬杖徒

那移出納

遊擊實用物件派累兵丁那移草乾銀兩律應擬徒從

重發伊犁當苦差

冒支官糧

冒名領米爭毆摔斛首犯擬斬立決從絞候奉

旨減一等發落包攬領米枷號

倉庫不覺被盜

解員失銀地方官不報革職加徒三年

轉解官物

解餉被竊長解官僉差官俱革職拿問知縣公出亦革

職拿問

隱瞞入官家產

經歷署縣事任內分賠民欠耗羨七百餘兩承辦災賑

核減銀一萬五千餘兩不准豁免解部監禁再行確

查



課程

鹽法

訪派當商分辦鹽引呈明無力飭查屬實未便領辦以致貽悞續查有力情願繳克公銀二十五萬

匿稅

題開鉄山奉部駁查覆勘請封原勘官部議應查叅議處

儀制

旌表貞節惟再醮不准外餘不論犯人罪名婦人俱准

比例 旌表耑本具題

軍政

從征違期

玩悞巡洋並無失事比照逗遛觀望不依期進兵失誤

軍機律擬斬監候

捏報會哨發往伊犁當差如果風大難行准知會改期

主將不固守

副將在洋被盜擊毀船隻捏報遭風知縣扶同混稟副

將發伊犁知縣杖徒不准援 赦



縱軍擄掠

兵丁弛鎖吏目照軍營鼓噪例卽行正法

從征守禦官兵逃

衝散潰兵在村藏匿不卽投出外擬發伊犁克當苦差

奉 旨給兵爲奴

巡洋兵船被劫捏報遭風總兵扶同具報同在船兵丁

俱擬斬候

優卹軍屬

出征兵丁沿途病故長支銀兩准其寬免

關津

盤詰奸細

總兵捏報會哨革職拿問發軍臺効力

郵驛

遞送公文

跑役馳送軍機公文遲悞奉 旨正法

多乘驛馬

閩省軍務添設正腰各站部駁查明具奏奉 旨照咨

辦理



賊盜

謀叛

天地會匪另犯搶殺等案請 旨斬決如無別犯概行

發遣

會匪又犯命盜重案恭請 王命正法

造妖書妖言

京師重地匠頭假降出神女僧混稱老祖活佛不分首

從俱擬絞決奉 旨匠頭立決女尼絞候

天地會匪本省無可質訊之處部駁卽行正法不必解

回

監守自盜倉庫錢糧

串書幫辦漕米浮收串賣分肥照枉法贓擬絞從犯爲

奴廠書杖流官發軍臺當差

常人盜倉庫錢糧

值宿外委偷竊庫銀外擬絞候部改立決

強盜

運弁捏報被盜外擬發軍臺克當苦差奉 旨照例杖

流加徒



知縣諱盜不報革職苦累事主之典史比照故勘致成廢疾滿徒

盜案玩延二年不行審結臬司道府縣奉旨提訊總

督降為侍郎

強盜首犯斬決引線人雖未入室係畏認識亦行斬決入室搜贓之犯証實首犯不能狡賴改為斬候承審官發伊犁

濱海沿口行劫客船不得以情有可原聲請其止在

外瞭望仍准聲請

寓盜分贓從重改發黑龍江為奴

白搶晝奪

搶奪推倒事主拳壓拔刀搶銀從重發黑龍江為奴船

戶聽從搶奪分贓滿徒

扒搶放火燒斃人命首犯恭請王命正法加功從犯

斬決不得財從犯發黑龍江為奴

盜竊

車夫竊盜餉鞘依例絞決夥竊從犯部改絞候踈脫兵

丁擬流解官革職踈防地方官議處



窩匪竊賊勒贖多案首犯比照白晝搶奪三犯擬絞立決從犯分別軍徒

竊盜臨時用強傷死事主首犯即斬傷人盜在家自縊

仍戮屍梟示

行竊官船被覺起捕求無聲喊照強盜辦理地方文武俱行叅革

護解餉鞘被夫竊逃不報解官發軍臺効力贖罪兵役

夫頭減犯人罪一等

竊盜臨時勒死事主五年後另犯竊案究出情由贓當

無存有簿可憑定案

詐欺官司取財

糧書多票重征從重為奴用印家人未經查出減等滿徒

鄉約索詐十兩以上尚未得財減徒又聽母瀆控索銀

二千兩仍照蠹役克軍廢疾不准收贖

職員索詐典商武斷鄉曲從重改發黑龍江為奴

發塚

割取屍頭訛詐首犯從重發黑龍江為奴從犯滿徒



人命

謀殺人

謀殺十歲以下幼孩首犯斬決加功從犯奉旨亦行絞

決

謀殺制使及本管長官

夷人謀殺土官不分首從請王命斬決

謀殺祖父母父母

緝人挾嫌殺死胞兄一家三命親戚三人請王命凌

遲不加功從犯為奴

殺一家三人

殺一家非死罪三人被殺之人絕嗣兇犯子雖年幼解

部監禁俟至十歲再行閹割

欲殺姦妻之人不遇殺其妻女三命凌遲處死姦婦發

伊犁為奴

殺死夫妻二命其子發黑龍江給兵為奴

兇殺二十餘人該犯凌遲梟示雖無子嗣將其兄姪解

交刑部照例治罪各官議處

殺死一家三命尚有一二人受傷照保辜限期內身



死卽照四命辦理

聞毆及故殺人

拒姦不從立意殺死未經敘出情由部駁審明仍照謀

殺斬候

攜帶幼孩同行索食毆死先擬聞殺部駁覆審改擬故

殺秋審已過卽請正法

已革外委因不讓坐故殺現任外委因犯有病卽請正

法

故殺姑嫂二命比照殺一家非死罪二人斬決

毆死惡丐奉旨減流追埋未經驗明傷痕訊無故出

革職免罪

夫毆死有罪妻妾

妻因病篤囑夫活埋比照殺妻擬絞

律應離異罪不至死照律離異罪千重辟照名分已

定科斷

威逼人致死

借債不還致中人押候身故部駁改監生斥革不准納

贖



總兵挾嫌掌打把總致令投河發軍臺効力并追埋葬銀五十兩

聞毆

聞毆

旂員酒後索欠爭毆刃傷人發伊犁起衅理曲亦發烏魯木齊

毆制使及本管長官

水手毆彈壓丞員照毆本管官例斬決

威力制縛人

汛官差兵鎖拿犯姦之婦致婦自戕部駁仍照原擬汛兵絞候汛官發遣為奴姦夫滿徒

妻妾毆夫

毋毆死父奉旨駁飭其子到案時曾否即行供出案情查明分別辦理

毆祖父母父母

子與人爭毆失跌壓傷伊母身死撫臬錯定正兇知府被叅揭部欽差審明子改擬絞決撫臬革職知府

開復



婆媳與人通姦媳起意將夫謀死媳畏罪自戕婆應分親母繼母分別予勾

繼母因姦致死前妻子女擬斬秋審情實親母因姦故殺子女擬斬絕嗣秋審情實不致絕嗣俱永遠監禁  
訴訟

誣告

婿誣告妻父給毒藥謀害其姑奉 旨改發為奴女聽

夫誣証其父擬絞監候

誣扳良民被差訛詐氣忿身死誣扳之賊比照誣告致死絞候差役比照蠹役嚇詐斃命絞候

挾嫌捏情赴京誣告本犯照原犯絞罪請 旨正法從

犯及作狀人克軍

赴京控案審係全虛從重即發伊犁為奴生監一體為奴誣輕為重仍加等治罪

瘋癲叩 闈審擬邊遠克軍奉 旨改發伊犁為奴

主使僕婦誣告致死其夫屍遭蒸檢杖流加徒伴作受賄捏報傷痕故入人罪杖流俱從重發黑龍江為奴  
知縣亦發新疆



教唆詞訟

舉人教唆詞訟希圖訛詐咆哮公堂從重發新疆克當

苦差

子孫違犯教令

婦女與人通姦父母羞忿自盡無論在室已嫁俱擬絞

決

受賍

官吏受財

衙役追賍逼斃六命奉 旨改為立決知縣革職不足

蔽辜著革職拿問

典史短價買物差役催交相爭典史杖責後氣忿自盡

典史比照蠹役嚇詐致斃人命不計賍數擬絞監候

差役為從杖流知縣公出亦降二級調用

佐領解犯得兵丁錢聽兵落後致犯脫逃賍未滿貫照

滿貫擬絞請即正法奉 旨改為監候

守備受賄拔補兵丁并得錢包差擬絞請 旨正法

守備得受偷渡船隻番銀外擬絞決說事過錢營書為

奴奉 旨改為斬決絞決



所見集  
有事以財求請

絞犯減流雇人頂替到配知情書差一併擬絞請 卽

正法縣發新疆効力贖罪

在官求索借貸人財物

外委以訪逸犯爲名赴村搜查索詐外擬克發奉 旨

改爲絞決

知縣將珠當錢又用印票取看仍交回當舖照官吏求  
索所部財物從重發伊犁

因公科歛

擅造民人戶管田冊科歛使費入己計賍以枉法論從  
重發伊犁克當苦差

書辦藉查山朦稟詐贓首犯從重發遣爲奴從犯克軍  
知縣革職

詐僞

僞造印信時憲書

革役私雕假印訛詐愚民請 旨卽行正法

詐教誘人犯法

劣幕主使作弊本官獲罪定案時卽與同罪



研見集  
犯姦

輪姦已成從犯秋審已過入于下年情實

二人輪姦一女因姦婦捏病隱忍將首犯為奴從犯發

遣部駁首犯斬決從犯絞候

圖姦未成羞忿自盡不應引強姦未成字樣奉 旨改

為調姦

奴及雇工人姦家長妻

雇工強姦雇主之母未成外擬為奴部改斬決併請為

例

雜犯

賭博

賭博拒捕傷官首犯即正行法從犯奉 旨絞決餘犯

為奴

失火

野火燒燬火藥看守兵丁枷號杖徒該管署遊擊革職

捕亡

罪人拒捕

罪人拒捕分別事主管差問擬流遣

研見集三目錄

七



偷放他人塘水計所灌之田按畝科罪如已殺死照已

就拘執擅殺絞候

強盜拒捕殺死外委從重凌遲從犯斬決恭請 王命

先行正法梟示

賊犯刀殺捕役請 旨卽行正法

徒流人逃

安插福建股頭脫逃知州吏目俱革職拿問道府司撫

俱議處

主守不覺失囚

荊州大水冲倒監獄犯人未帶刑具衝散無踪禁卒外

擬滿徒部改滿流

遞解秋審絞犯脫逃兵役加一等治罪

遞解回籍人犯脫逃不報知縣已告老仍革職拿交刑

部治罪

斷獄

故禁故勘平人

巡檢濫刑致斃民命依律擬斬恐長刁風發烏魯木齊

克當苦差



所身集  
死囚令人自殺

斬犯在監自縊禁卒比照以金刃與囚自殺杖八十徒  
二年司獄同罪臬司降調

依告狀鞫獄

先未查明叅奏奉 旨嚴行究辦後經審明不為開復  
反行擬罪奉 旨申飭議處

官司出入人罪

典史代驗命案得受店家銀兩不究私匿客人財物比  
照故出人罪與犯同罪

四川省秋審失出七起臬司議處

辯明冤枉

命案兩年後于証遞呈鳴冤正犯停決審明釋放于証  
克發為奴承審各官分別降調

有司決囚等第

有關服制由斬決改為監候之犯病故部駁應行具題  
檢驗屍傷不以實

件作以毆傷捏報跌傷罪名出入應行訊究奉 旨查  
係原驗吳雅氏真傷之件免其治罪



請將琵琶骨添人屍圖部駁毋庸議

決罰不如法

知縣杖責欠糧毆差之犯身死奉 旨不應叅革應予

降俸處分

營造

擅造作

應修造戰船總以八月前勘明詳報

河防

盜決河防

河水冲漫民修隄工總督照盜決河防因而殺人律擬

絞監候

續纂駁改比照成案所見三集目錄終

所見集三

目錄

七



恩詔後緣事革職不准請封所請 誥軸着繳銷仍罰俸  
一年

吏部會議得內閣奉

旨昨據孫 奏前請馳封曾祖父母於具奏後接准部咨  
始知前次陳請與現例未符據實陳明等因令軍機  
大臣交部查核孫 四十五年業已請過巡撫封典  
此次不准重封業經該部照例扣除又查孫 四十  
五年

恩詔後旋經緣事革職定例不准請封是該撫上次所請



封典已屬違例而從前吏部堂司各官未經詳查率  
行准給均有不合孫 並吏部堂司官俱着分別察  
議孫 上次所請封典誥軸著繳銷此次照新銜另  
行給與封典摺併發欽此應將廣東巡撫孫 照違  
令笞五十私罪罰俸一年等因乾隆五  
十年十一月二十一日奉

旨孫 著罰俸一年謝墉著於現任內罰俸六個月阿肅  
永清孫家賢俱著銷去紀錄一次免其罰俸喻升階  
著於補官日罰俸一年餘依議欽此

乾隆五十一年五月初八日准咨



進士舉貢生監如黨惡夥匪卑污下賤照平人

例一律辦理

乾隆五十六年五月初四日奉

上諭刑部議覆江蘇省拿獲鹽犯謝鴻儀等分別治罪一  
摺案內孫元按以監生窩頓私鹽至四千觔以上恃  
符庇匪未便因其係屬監生卽行免其爲奴應將該  
犯改發黑龍江給披甲人爲奴等語所奏是已依議  
行矣以部議從重原係遵朕諭令改者向來監生犯  
事罪應發遣者例祇發往當差與平人爲奴者定例



本未允協監生捐銜者多卽實在監生旣名列成均  
理宜畏法自愛若以定例從寬輒敢恃符玩法較之  
無知愚民尤爲不肖且旣已犯罪斥革卽與平人無  
異豈得因其原屬監生卽免爲奴致滋輕縱嗣後監  
生犯事如有似此情罪較重者俱照平人一律辦理  
至在籍候選之進士舉人其餘舉貢生員皆屬身列  
衣冠名登黌序若能安分守法立品讀書爲小民倡  
率原當加以優視別于齊民倘恃符縱肆自蹈刑憲  
是卽不知君子懷刑之意爲士林所不齒免其加倍  
治罪已屬施仁復轉較之平人從輕定擬何以明刑  
弼教嗣後進士舉貢生員等如祇係尋常過犯不致  
行止敗類者仍照舊例辦理若係黨惡窩匪卑污下  
賤者俱照平人之例問擬以示懲儆欽此



賊犯赦前到官援免赦後到官仍行克徒

乾隆五十五年十一月十四日奉

撫院郭 批臬司呈詳查看得西寧縣民洗肇基等  
夥竊廩生李靄士家衣飾錢文一案緣洗肇基等貧  
不守分乾隆五十三年十一月初四日洗肇基同洗  
亞愷洗亞四洗細晚在大灣河旁弔魚撞遇熟識之  
王昭華韋亞複區廷會蔡日紅共談貧苦洗肇基稔  
知李靄士家有蓄積起意偷竊賣錢分用各皆應從  
約定是夜在河旁會齊至期更後畢集洗肇基携帶



小刀一把餘帶布袋一個同夥八人二更時分齊抵事主屋邊洗肇基韋再復洗細晚王昭華由靠屋樹林越墻下院洗肇基用小刀撥開巷門閃入內扭脫房門鎖同韋亞復進房撬開箱內偷得贓物先後遞交洗細滿王昭華開出大門轉交洗亞愷洗亞四蔡日紅區廷會接收因事主家人醒覺呼喊洗肇基等奔出同各犯携贓走至洗肇基家查點共得衣服七十一件褲二十九條裙十一條襪子三床被一張蚊帳一床嗒衣三對紗襪一對棉布六束夏布四束玉耳環一對渡金銀器首飾七十四件銀鑲盃二十隻錫器十五件銅錢五千文洗肇基常取藍布衫二件認抵錢二百四十文洗亞愷取茶青布夾衲一件認抵錢三百文章亞復取江青布女夾衲一件藍布褲一條認抵錢五百一十文各犯先將銅錢作八股俵分每人分錢六百文尚錢二百文公同買酒吃用其餘衣物經洗肇基王昭華挑往羅鏡墟賣與不識姓名人得錢四十八千五百五十文番銀四十元連各犯先拿衫褲認抵錢一千零五十文共錢四十九千



六百文仍作八股俵分每人分錢六千二百文番銀  
五元各散事主投保報縣前縣張令會營勘訊緣值  
離任未及通報該署縣李令抵任接准移交移行勒  
緝旋據兵役拿獲洗肇基韋亞復洗亞愷起贓解縣  
供開夥黨陸續緝獲洗亞四區廷會洗細晚先後訊  
供通詳奉批緝審因洗肇基患病提禁取保病故及  
洗細晚區廷會患病病愈均經該縣報明在案逸犯  
王昭華蔡日紅屢緝未獲茲據該縣集犯審擬由州  
審詳前來代辦本司覆查韋亞復等據訊供認前情

不諱贓經主認正賊無疑查律載竊盜賊八丁兩杖  
九十徒二年半為從減一等等語本案估值贓銀八  
十二兩一錢四分應如該縣州所擬洗肇基起意為  
首合依竊盜贓八十兩杖九十徒二年半已於取供  
後患病提禁取保病故應毋庸議韋亞復洗亞四洗  
亞愷洗細晚區廷會均合依為從減一等等杖八十  
徒二年至配所折責三十板均照例刺字候奉定地  
押發克徒限滿通籍交保約束失察洗亞四洗亞愷  
洗細晚區廷會為竊之牌頭洗達性余維俊均合依



牌頭失察例笞四十地保周光殷成沛遞減二等笞  
 二十韋亞複在外行竊原籍牌頭甲保無從查察應  
 毋庸議洗細晚之兄洗達進合依父兄不能禁約子  
 弟為竊例笞四十各犯訊無另犯別案及另有窩贓  
 逃後亦無行兇為匪與知情容留之人各犯止洗細  
 晚有兄洗達俊已經按擬餘無同居親屬知情分贓  
 均毋庸議買贓之人據供不識姓名無憑提訊行竊  
 小刀據供丟棄無憑起追已獲之贓經給主領未獲  
 各贓應於各犯名下照估追賠逸犯王昭華蔡日紅  
 飭緝獲日另結洗肇基係在監患病提禁取保病故  
 管獄職名應免開報韋亞複洗亞愷事犯到官係在  
 乾隆五十五年正月初一日

恩詔以前所得徒罪應減為杖一百各折責四十板免刺  
 洗亞四區廷會洗細晚到案在後均不准援減牌頭  
 洗達性余維俊地保周光殷成沛洗細晚之兄洗達  
 俊所得替罪應子援免仍革去牌頭地保除俟季底  
 彙冊詳咨外云奉批仰卽飭將洗亞四等照例刺  
 字洗亞四押發海豐縣區廷會押發陸豐縣洗細晚

刑身集卷之一 名例

八 常赦所不原



押發和平縣各照應徒年限折責安置滿日遞籍交保約束先取收管送查韋亞複等照擬分別責革發落援免逸犯王照華等勒限務獲究結仍于季底彙冊詳咨餘已悉並候

爵閣部堂批示繳圖結存

有關人命徒罪案件遇 赦專案咨部

乾隆五十六年六月初五日准

刑部咨據福建巡撫伍 咨稱奉准部咨乾隆五十

五年正月初一日

恩詔以前有關人命罪止擬徒尚未完結案件作速趕辦核其情罪輕重分別應減不應減另為一冊等因查冊開南靖縣民謝科鏡傷竊賊何斷身死一案查賊犯何斷入室偷牛三隻遞交黃清等牽走事主謝科知覺追拿乃何斷復敢轉身持挑攔拒致被事主謝



科嚇放銃致傷何斷咽喉等處斃命其為護賊格  
聞無疑查此案何斷中途護賊持仗拒捕被謝科銳  
傷身死實與格殺之條相符謝科應照律勿論惟私  
藏應禁銃殊屬違例應照私藏鳥鎗例杖一百徒  
三年此案行竊耕牛訊係黃清起意為首黃清合依  
盜牛三隻例應杖一百柳號四十日何場應照為從  
例減一等柳號三十五日杖九十均照例刺字何場  
之父何聘訊非知情應照父兄不能禁約子弟為竊  
同失察之牌頭照例各笞四十事犯在乾隆五十五

年正月初一日

恩詔以前謝科徒罪應減為杖一百折責四十板黃清何  
場柳責均予援免並免刺字何聘及牌頭照例寬免  
所有失察私存銃銃文職職名相應開報武職失察  
職名查取另叅又沙縣民陳乖老黑夜拾石擲傷竊  
賊卓盛均身死一案查此案卓盛均携賊逃遁陳乖  
老黑夜追捕擲傷身死已離盜所非登時可比陳乖  
老應合依黑夜竊賊被事主毆打至死比照夜無故  
入人家已就拘執而擅殺至死律杖一百徒三年事

所見集三卷之一名例  
流犯在道會赦



犯到官在乾隆五十五年正月初一日恭逢

恩詔以前陳乖老徒罪應減爲杖一百折責發落失察卓盛均爲竊之地保林添盛咎罪照例援免又甌寧縣民丁光祚毆傷竊賊李添生身死一案查李添生閃入丁光祚家竊取雞隻丁光祚聞聲捉拿李添生輒敢携贓抵拒致被丁光祚毆傷身死與逞兇擅殺者不同丁光祚合依白日入人家內偷竊財物被事主毆打致死比照夜無故入人家已就拘執而擅殺至死律杖一百徒三年事犯在乾隆五十五年正月

初一日恭逢

恩詔以前應減爲杖一百折責發落又龍巖州民廖育秀因廖理平與伊母張氏通姦將廖理平登時捉獲殺死一案查廖理平與張氏通姦經廖育秀窺破拒絕之後復敢圖續舊好被廖育秀撞獲登時殺死廖理平係廖育秀無服族叔應同凡論廖育秀合依本夫本婦有服親屬捉姦登時殺死姦夫者依夜無故入人家已就拘執而擅殺律杖一百徒三年廖郡二訊無加功但係聽從移屍合依格捕至死姦盜之犯罪



本不應抵將屍移投坑井者照地界內有死人不報  
官司私自掩埋律杖八十爲從減一等杖七十事犯  
到官均在乾隆五十五年正月初一日恭逢

恩詔以前廖育秀徒罪應減爲杖一百廖郡二杖罪照例  
援免廖張氏與廖理平通姦業已身故應毋庸議據  
各屬審擬詳解隨經審明批結在案相應咨達等因  
前來查例載外省徒罪案件如有關人命者均照軍  
流人犯解司審轉督撫專案咨部核覆又有關人命  
擬徒常犯遇

赦減等另冊報部核辦不得與尋常徒犯按季冊報各  
等語誠以人命案件關係罪名出入故雖例止擬徒  
必須詳敘供招案咨部恭遇

恩赦亦應另冊咨部若未經部覆准行懸擬例得減等率  
將屍格供招全行刪去與已經議結尋常徒犯一例  
彙報則罪名是否允協案情有無疑竇一切無憑稽  
核殊非慎重人命之道今該撫咨報有關人命擬徒  
各案檢查本部文卷旣未據該撫專案咨部核覆此  
次冊內又不將原驗屍格及犯証供詞詳悉聲敘僅



將看語彙冊咨部碍難率覆且上年正月初一日欽奉

恩詔迄今一載有餘始據彙報到部其被獲月日亦未詳載是因彙報而轉致遲延適足啟吏胥作奸朦混之弊殊與定例本義不符應令該撫將謝科等案詳敘屍格供招及各犯到案月日逐一揣案咨部再行核辦再查有關人命擬徒案件向俱照例專案咨部上年十一月河南省彙入尋常季報徒犯冊內援赦減杖經本部行令嗣後務須專案咨部核覆行知在案再行申明例義通行各省一體遵照可也

刑部彙集

卷之一

三



雇人頂名代考擬軍不准留養

刑部議覆山東撫長 奏鉅野縣文章王藩雇倩方  
金生頂名入場代考審擬治罪一案查例載學政考  
試有積慣隨棚代考之鎗手察出審實枷號三個月  
發烟瘴地方克軍其雇倩鎗手之人並與同罪知情  
保結之廩生杖一百等語此案王藩身係文章於學  
政考試時胆敢雇倩鎗手方金生頂名入場考試實  
屬不法應如該撫所奏王藩合依雇倩鎗手之人與  
鎗手同罪例應枷號三個月發烟瘴地方克軍該犯



雖訊係親老丁單但考場作弊情節較重不准留養  
在逃之鎗手方金生應令該撫并原籍江蘇巡撫一  
體嚴緝務獲照例辦理該撫奏稱陳彥丹雖無知情  
受賄情事但既爲廩保並不用心辨認任其頂冒入  
場毫無覺察實難辭咎應照知情保結杖一百例應  
杖一百折責四十板王更昌雖亦訊不知情但係王  
藩胞叔有管教之責乃同在府城漫無約束致令作  
奸殊屬不合並請照不應重律杖八十折責三十板  
王更昌陳彥丹衣頂業俱斥革應毋庸議王藩之父

王大紹訊係老病在家並不知王藩雇倩情事免其  
置議等語均應如該撫所奏完結所有失察之鉅野  
縣教諭杜炳訓導路峒續據該撫查取職名送部應  
俟

命下移咨吏部辦理乾隆五十三年十月初八日奉  
旨依議



逃流改發克軍不准發雲貴兩廣地方

乾隆五十二年八月二十六日准

刑部咨據廣東巡撫圖 咨稱海豐縣流犯胡亞狗  
在配逃回被獲一案緣胡亞狗係海豐縣人因致傷  
竊賊楊達茂身死擬絞秋審緩決四次擬流之犯解  
發江西南昌府靖安縣安置于乾隆五十年八月二  
十六日到配該犯于五十一年五月初七日捏稱出  
街買菜乘閒脫逃日間沿村乞食夜宿古廟空寮八  
月初十日行至海豐縣屬青坑地方尚未抵家卽被



差役拿獲解縣訊供通詳據訊明逃流胡亞狗逃後並無行兇爲匪及知情容留之人配所看役亦無賄縱情弊查例載免死減等流犯在配脫逃被獲改發近邊克軍就其原配地方計程發配加枷號兩個月責四十板又定例流犯在配脫逃被獲由該犯配所定地調發克軍並迴避該犯原籍相近之地不致欲遠返近仍將調發何省地方安置隨案聲明報部查核各等語今胡亞狗係免死減等流犯在配脫逃被獲合依免死減等流犯在配脫逃被獲改發近邊克

軍例改發近邊克軍加枷號兩個月責四十板面刺逃流二字就其原配江西南昌府計程發配查貴州省與該犯原籍相離甚遠應請將該犯胡亞犯解往貴州平遠府黃平州安置該犯逃後訊無行兇爲匪及知情容留之人尚未抵家卽被拿獲地保黃振鄰佑陳瑞廷無從查察舉首均毋庸議配所看役訊無賄縱情弊應聽江西省照例議結該犯甫經逃回卽被拿獲失察職名應請免開所有承審逾限未及一月職名相應開報附叅除咨吏部外相應咨達等因



前來據此已獲逃流胡亞狗應如該撫所擬改發近邊克軍查例載應發烟瘴人犯原係雲貴兩廣四省嗣因該四省聚集人犯過多是以有應發烟瘴人犯編發足四千里面刺烟瘴改發四字之例且現行例內實發四省烟瘴人犯尚有新疆改發及積匪猾賊搶竊滿貫擬絞緩決減等並父母呈送忤逆各項人犯亦復不少若將例應調發人犯仍行發往不但與應發烟瘴改發足四千里之例不符且使各省人犯盡歸四省安插羣聚日多必致別生事端亦非綏靖邊省之道况胡亞狗係例應調發近邊克軍之犯應由配所計程調發雖五軍道里表江西南昌府人犯有調發貴州黃平州安置之例但貴州係停發烟瘴省分自不便將近邊克軍人犯再為撥發且查五軍道里表內開江西南昌府屬編發近邊者除貴州外尚有山東河南山西等省與該犯原籍均屬相遠正可發往乃該撫並不詳查酌發輒發貴州殊與各定例未符應令該撫查照將胡亞狗改發山東等省安置仍將發往省分報部可也



降調人員捐復部駁不准留任奉

旨姑念辦理過兵差者照督請後不爲例

吏部題議得廣督孫 等奏稱竊照李世榮勒索站  
規案內沿途違例供給各縣除事故外所有現任饒  
平縣知縣程煥海陽縣知縣韓義普寧縣知縣許憲  
署惠來縣事開建縣知縣杜元勳前署陸豐縣事肇  
慶府通判何鐘海豐縣知縣土澤寬歸善縣知縣陳  
禮仁接准部咨均照降一級調用所遺各缺分別歸  
部銓選及在外棟調等因緣未奉部文之先海豐縣



王澤寬告病離任經委何鐘接署臣孫士毅以惠潮二屬逼近閩疆海面陸路處處可通現在勦捕臺匪各該縣正在防範喫緊之際未便驟易生手隨經恭摺奏請暫緩離任臣圖薩布回任又經將實在情形會同附片具奏業奉

諭旨允准在案現在各該員查拿會匪稽察沿海口岸以及征兵赴閩應付過境並解運軍火協餉等事無不認真出力料理周妥查惠來本任知縣余作沛先因委往雲南採辦銅觔離任已及三年並部選之普寧

縣王廷栢亦已自京來省臣等察看其人地均屬生疎未便卽令前赴本任現俱另行委署至饒平海陽歸善三缺例應在外預行題請揀調以便將來更替臣等與藩臬兩司往覆札商饒平自閩入粵門戶歸善海陽係惠潮兩府首邑且在在濱臨大海平時政治本極繁難現在復有兵差緝匪等事綜理更屬匪易且將來臺匪蕩平官兵凱旋緝拿餘黨無一不資熟手辦理臣等再四商確實在難得更調之人而該員程煥韓義陳禮仁均係在任年久現在辦理一切



不辭勞瘁實屬奮勉合無仰懇

聖恩俯念各該員應得處分僅止降一級調用獲咎尚非  
重大

恩准照例捐復仍留原任俾現辦要務不致更換生手於  
地方實為有裨至普寧惠來海豐三縣亦係閩粵往  
來要道現在承辦兵差緝拿匪犯事同一例內除普  
寧縣許憲係屬實任外其署惠來縣之杜元勳署海  
豐縣之何鐘雖現署非其本任但俱在粵多年於地  
方實為熟諳該員等現辦兵差等事亦頗認真出力

相應籲懇

聖恩准其一體捐復在該員感激

天恩自必倍加出力臣等亦獲收指臂之效俟將來緝匪  
事竣杜元勳何鐘留粵以相當之缺題補其部選之  
普寧縣王廷栢即以相當之缺先行題補又部選之  
海豐縣朱啟俟到粵時察看情形斟酌辦理臣等因  
地方現有要務需人起見不揣冒昧謹合詞恭摺具  
奏奉

硃批該部議奏欽此欽遵查捐復人員例應核其情節公



私輕重分別准駁具奏請

旨今饒平縣知縣程煥等六員前因總督富勒渾家人李世榮勒索站規並不據實查報違例供應降一級調用續經該督等以各該員查拿閩省匪犯奏請暫緩離任奉

旨准其留於該處協同緝捕統俟臺灣軍務告竣再行給咨欽此茲據該督等奏稱現在各該員查拿會匪稽察沿海口岸以及征兵赴閩應付過境並解運軍火協餉等事無不認真出力料理周妥饒平縣知縣程

煥海陽縣知縣韓義歸善縣知縣陳禮仁請照例捐復仍留原任普寧縣知縣許憲署惠來縣事開建縣知縣杜元勳署海豐縣事肇慶府通判何鐘請一體捐復許憲仍留原任杜元勳何鐘留粵以相當之缺題補等語臣等伏查此案各員係因違例供應降一級調用加級紀錄俱不准抵銷業經開缺分別銓選行令調補在案核其降調情節係屬私罪與捐復之例不符所有該督等奏請一體捐復分別仍留原任留粵補用之處應行擬駁臣等未敢擅便謹題乾隆



五十二年八月初八日奉

旨此次姑念該處辦理過兵事宜緊要着照該督撫所請  
嗣後不得援以爲例欽此

前後接算五年俸滿題陞同知部駁不准巡撫  
罰俸九個月

吏部題議得署晉撫明 疏稱汾州府同知王肯葑  
病故遺缺係衝繁難要缺例應在外揀選調補查有  
大同縣知縣程沅由和順縣知縣於乾隆四十五年  
十二月初四日到任調補今職五十年六月十三  
日到任該員才具明白辦事勤能前後兩任接算歷  
俸已逾五年以之陞補汾州府同知與例相符至程  
沅以知縣題陞同知如蒙



俞允侯部覆到日給咨送部引 見恭候

欽定等因前來查程沅江蘇進士由和順縣知縣調補大

同縣知縣乾隆五十一年六月十三日到任計本任

歷俸未滿五年今該撫以該員前後兩任接算歷俸

五年期滿遽行題請陞補汾州府同知與例不符應

無庸議所題汾州府同知員缺仍令該撫另選合例

之員題補再程沅本任歷俸未滿五年該撫遽請題

陞汾州府同知係屬違例應行查議應將違例題陞

之署山西巡撫刑部侍郎明興照例罰俸九個月恭

候

命下遵奉施行乾隆五十三年三月初五日奉

旨明興着罰俸九個月餘依議





已革刑書私收旂地不肯繳價知縣依法杖責  
致斃奉 旨不應叅革

直督劉 奏據保定府知府王汝璧報定興縣民楊  
鳳鳴呈控伊父楊生佩被旂人陳延蘭指告指霸旂  
產該縣知縣馮觀祚杖責致斃等情當卽飭委新城  
縣知縣張亨前往驗訊嗣據張亨驗明楊生佩右腿  
至臍腓連腿肚俱有杖傷皮破肉爛係因杖傷致死  
併提集犯証赴省稟明會同正定府知府鄭製錦逐  
細查審緣楊生佩係定興縣刑書已經革退旂人陳



廷蘭有旂地九十畝指借楊生佩家銀二百兩楊生佩種該地二十餘年雖立有租借各契實係以利抵租本年三月內陳廷蘭欲向楊生佩減價掣地楊生佩不允陳廷蘭遂以指霸旂產等詞具控經該縣知縣馮觀祚批准尚未差傳有村民李朝棟等勸令陳廷蘭增價向贖陳廷蘭當還楊生佩大錢一百八十五千作銀二百兩將租借各契掣回旋經該縣傳訊楊生佩欲具控求息向戶書何瑤商議乘機詐騙銀九兩七錢大錢三千將息呈收迺該縣馮觀祚因指

地借銀例應掣地追價入官不准和息復改差傳訊陳廷蘭旋即赴京當差楊生佩亦屢傳未到經該縣將原差劉言比責至七月內始行傳集訊明將陳廷蘭名下地畝查丈入官造冊詳報押令楊生佩出具限狀繳銀詎楊生佩以銀收回不肯呈繳復經該縣傳訊併以指地借銀例應追價等語面諭楊生佩仍以銀係票借當堂頂撞該縣馮觀祚先飭皂役董義孫鳳杖責十五板楊生佩益肆喊嚷該縣以楊生佩已革刑書胆敢目無法紀復加責十五板楊生佩在



地亂滾皂役等行杖失當致將右腿肫蹙連腿肚等處杖傷當又差役劉言領出取保追價經屍子楊鳳鳴保領因原差劉言曾受比責復照看伊父杖傷飲食遂送交劉言大錢四千文詎楊生佩坐船回家行至中途於閏七月十七日因杖傷潰爛殞命據屍子楊鳳鳴赴府具控飭委新城縣知縣張亨驗明傷痕提犯來省審悉前情以楊生佩雖係應責之人兩次決罰亦未滿杖然既係因杖致死究屬決不如法且又失察書役人等得賍有干例議據保定府知府王

汝璧清河道朱瀾按察使許布政使梁揭報請叅前來臣覆查旂人陳廷蘭指地借銀其價例應追出入官楊生佩於告發之後私自收回不肯繳價原有應得之罪然當其在地亂滾之時該縣馮觀祚復又飭令加杖以致皂役人等行杖失當傷及右腿肫蹙連腿肚處所因傷斃命實與非法毆打無異且書役人等藉端需索該縣亦毫無覺察似此濫刑昏憤之員未便稍事姑容相應專摺叅奏請

旨將定興縣知縣馮觀祚革職以便飭交委員再同應訊



犯証人等一併嚴審究擬照例辦理除委員前往摘印署理查明馮觀祚任內經手倉庫錢糧有無未清另報外謹繕摺具奏伏乞

皇上睿鑒訓示謹奏乾隆五十一年十一月二十三日奉  
上諭據劉峩奏定興縣知縣馮觀祚於縣民楊鳳鳴呈控伊父楊生佩被旂人陳廷蘭指告指霸旂產致令杖責楊生佩斃命請將馮觀祚革職等語所辦未免過當此案楊生佩係已革刑書於應行追出入官旂地私自收回不肯繳價經該縣當堂傳訊復敢咆哮頂撞原有應得之罪該縣雖兩次決罰尚係依法其咎止在失察書吏何瑤藉端詐騙一節而於杖責刑書邂逅致死尚非有心杖斃若竟將該員革職適足以長刁風未為平允馮觀祚不必革職劉峩止須於定案時將馮觀祚附叅聽候部議該部知道摺併發欽此

職制 一 擅勾屬官



地方官緝拿要犯悞拿形迹可疑之人奉

旨免議

乾隆五十一年十一月二十四日奉

上諭據畢沅奏湖北咨解秦懷玉到豫隔別研訊不特秦  
國棟姪輩內並無秦懷玉之名卽伯叔兄弟內亦無  
其人因在湖北地方傭工被差役盤獲逼令承認卽  
隨口混供等語前經陝西拿獲之王進城一犯解至  
豫省亦經審明實名王興元並非王進城向來悞拿  
人犯之地方官例有處分等語但秦國棟等糾衆戕



官情罪重大又復潛行竄逸希圖免脫該州縣選派差役跣緝查拿遇有形跡可疑之人不得不盤查跟究况此等被獲之人亦非善類卽監禁數日審明後再行釋放亦不爲拖累且現在段文經尚未就獲若將誤拿之地方官議處恐該州縣畏避處分心存觀望不能實力緝捕轉致首逆漏網所有此二案內誤拿人犯之各州縣俱著從寬免其交部議處該地方官等尤應感激奮勉上緊搜緝段文經等務期按名弋獲毋得稍存瞻顧致滋疎縱欽此

營員駐劄本有彈壓之責民人酗酒滋事當予杖責致斃罪所應得毋庸革職

乾隆五十二年三月二十七日奉

上諭李國樑奏燕河營都司觀音保于盧龍縣民王化青酗酒滋事一案未經送縣懲治輒將王化青杖責致斃請將該署都司觀音保革職等語燕河營距縣城寫遠都司衙門駐劄該處本有彈壓地方之責王化青酗酒滋事被人控告已屬匪徒及經官審問仍敢出言不遜該署都司予以杖責本屬罪所應得又



係如法決責非違例濫刑者可比所有燕河營署都司觀音保著加恩毋庸革職其該管上司一體免其交部議處欽此

外委巡洋鎗傷多命問擬斬候奉

旨民船不服查問又用石擲打放鎗斃命事屬因公分別責革寬免治罪

乾隆五十二年三月二十七日奉

諭據琅玕奏審訊温州鎮標外委周鼎等出洋巡緝鎗斃閩民紀泉等五命一案將周鼎照私放烏鎗殺人例問擬斬候兵丁等擬以流杖所辦殊未允協此案周鼎等若有勒索情弊以致鎗傷多命卽立正典刑亦所應得今該弁係奉文巡緝適見紀泉等駛船前



來喝令下蓬查驗詎紀泉等見該弁兵所乘非巡船並不答應反行駛避及至弁兵追趕又復用石擲打以致周鼎愈疑爲盜放鎗斃命事屬因公誤傷不應擬抵致使嗣後巡洋弁兵心存畏疑轉於巡洋緝捕無益卽紀泉等亦是互疑爲盜情急擲石非出有心不許官兵招換與拒捕者不同且又傷斃五命將該弁兵等分別責革已足示儆所有外委周鼎兵丁吳廷桂等俱交該撫分別責革示懲其治罪之處俱著寬免餘着照該撫所擬完結摺併發欽此

民人私設斗行縣禁不遵上控府審擬以枷責行縣發落又擬撞抗官致責身死撫叅革審奉旨予以降調亦足蔽辜

乾隆五十三年二月二十五日奉

上諭據明興叅奏徐溝縣知縣林琅奉因縣民程瑁等開設斗行聽信牛建奎王敦教唆希圖壟斷私將在城集場於四關輪流移設經該縣查禁程瑁等抗不遵依又赴院司呈控當經批飭該府查明將程瑁等問擬杖責枷示該縣奉檄差傳程瑁等當堂發落乃牛



建奎王敦挺身抗拒頂撞咆哮該縣將牛建奎等均  
責四十板牛建奎王敦先後身故請將林琅奉革職  
審訊等語此案牛建奎王敦如果教唆程瑁移設集  
場壘斷牟利經該縣查禁既抗不遵依轉赴院司呈  
控及經該府查明按律科罪該縣林琅奉奉文發落  
牛建奎等又復頂撞抗官林琅奉板責懲治係屬依  
法決罰尚非任性酷刑者可比不過予以降調亦足  
蔽辜若將該縣革職治罪轉足以長刁風倘林琅奉  
別因勒索不遂挾嫌重責以致連斃二命則其罪竟  
應問擬抵償不止於革審而已且咆哮頂撞之態亦  
不一不可不審究得實以成信讞明與人本平庸而  
所奏又未明晰此事料非該撫所能辦理著派侍郎  
海寧帶同刑部員外郎王士棻馳驛前往提集案內  
有名人犯及林琅奉秉公嚴審定擬具奏欽此



武員俸滿調取引 見始奏衰老該員降頂帶  
二級休致督撫議處

乾隆五十五年三月初一日奉

上諭據鄂輝等奏阜和協副將郎摺升歷俸期滿兵部調  
取引見飭令來省考驗該副將年力漸衰騎射軟弱  
請將郎摺升勒令休致等語郎摺升年已衰邁難勝  
副將之任李世傑患病精力不能周到鄂輝等早應  
據實奏請勒休以重營伍乃竟任其戀棧直屆該員  
俸滿經部調取之期恐引見時為朕看出始為此奏



殊屬非是孫士毅甫經到任會銜具奏尚可免其交  
部鄂輝觀成俱著交部察議嗣後文武官員年力就  
衰者如係呈請告休或將軍督撫提督等察看不能  
勝任卽行奏請勒休方准以原品休致如有似此因  
俸滿推陞經部調取恐來京時看見衰老情形始行  
具奏者除將該將軍等交部議處外卽將該員降頂  
帶二級休致所有副將郎摺升亦照此辦理欽此

總兵將無辜作爲逆犯知縣力爭保釋扶同總  
兵通報作爲獲犯正法戮屍

福撫徐 奏竊臣因查辦叛產犯屬檢齊將軍祭贊  
提鎮及各地方官先後拿獲匪犯凡奏明詳報有案  
者計一千五百餘名開列名單發交該地方官及委  
員等核對辦理茲據嘉義縣張森稟稱前柴大紀所  
奏正法及戮屍各犯內竟有其人尚未死者訪係柴  
大紀悞拿經前任知縣陳良翼審屬良民據保釋放  
但旣經 奏明有案現在奉檄嚴查叛產犯屬不敢



稍有縱漏仍按名查拿審訊確情等語並據革縣陳良翼自行呈稟當日審明保釋者實有許懷等三十五名委係良民因柴大紀以匪犯具奏在先逼迫通報以符奏案祇得聽從具詳罪無可追現蒙查辦緣坐若再將無辜多人株連屈陷更萬死不足蔽辜惟有據實稟明求查察治罪等情臣接閱之下不勝駭異并查許懷等既經審非賊夥取保釋放何以柴大紀竟奏稱正法戮屍陳良翼復有聽從捏報其舛錯荒謬實出情理之外且恐有故縱賊犯情事

必須徹底跟究務期水落石出臣帶同軍需局員楊廷理錢受椿親自馳赴嘉義查辦甫入縣境卽有案內各犯証及保結人等紛紛跟到僉稱情願赴案質審查許懷等三十五名內已經該縣張森傳喚到案者許懷許漢翁送來陳較張海柯媽生李學陳成陳籌等九名臣抵境後自行投到者周俟謝璧楊登陳團林邦林子盛胡盛黃烟黃克慎盧力盧漢楊沛劉沈並番婦畱娘陳應之祖母陳江氏等十五名已經病故者賴天保陳龍鄭郡海詐勝陳祐吳嵩蔡叔魏



可曾生李圭林硯等十一名其出具保蔡同源等共一百餘名逐一嚴加鞫訊據許懷等二十四名俱稱上年正二月內嘉邑甫經收復因官兵初到歡喜出城迎看或因遷避他處回至縣城探親途中悞被捉拿並有肩挑販賣及在店生理遇不肖之兵丁義民強買槍去與之較論轉被誣拿者俱皆極口呼冤實無從賊情跡訊之原保人等亦俱供証相符剖辯甚力臣恐該保鄰人等容庇親友迴護前非論以

國法森嚴天理昭著倘此數十人內有一匪徒斷難倖

逃法網將來一經察出爾等卽與本犯同罪慎勿執迷不悟反覆開導該保鄰等堅稱天良難昧法律共知何敢替人重罪况當日縣城初復緝匪務嚴如城內遇有賊犯我等正要擒獻究治豈肯轉爲容隱惟因稔知許懷等實係良民方敢出結如有欺隱情願全家治罪并予已故之賴天保等十一名俱有切實保結供明病故日期及埋葬處所委員訪查勘驗無異伏思縣城當甫復之時正嚴緝餘匪之際兵丁義民等見有形跡可疑者捉而搜捕甚至貪功妄報挾



嫌誣拿者在所不免茲臣甫抵嘉義所有案內應訊  
多人不待查拿俱各自行投到察其詞色確非附賊  
情虛者可比內有張海年逾八十翁送來年甫十五  
素患風病之陳應避難流離之番婦留娘其衰弱疲  
瘵勢難從賊更可一望而知查陳良翼任內之原保  
人等或身列衣衾或會克義民以及開舖耆老俱以  
數人而保一人除已經病故多名外現在到案者尚  
有百餘名且於臣審訊時原保之外更有出具保結  
情願質証者數十餘人俱皆眾口同聲以許懷等前  
被誣拿若非陳知縣審釋必皆死於非命環訴瀝陳  
情詞迫切是許懷等三十五名委係平民並非賊黨  
實屬可信至陳良翼同柴大紀混以正法戮屍通報  
一節面加詰訊據供上年柴大紀克復嘉義之後凡  
遇官兵義民有報獲之犯不論在於何處拿獲卽以  
臨陣生擒賊夥若干名遽行人 奏一面發我取供  
錄報先後共有二百餘名俱經訊明實係匪黨卽行  
正法外其許懷等三十五名再四研鞫實係被人悞  
拿且有保鄰人等環訴呼冤晝夜絡繹不絕復向柴



大紀回明省釋以事已具 奏並經咨報各處必欲  
按名正法又率同教諭江浩巡檢印宗堯前往力爭  
並告以民心初定若再駢戮無辜恐致激變等語痛  
切剖陳柴大紀云我已

奏定係拿獲匪犯萬難更改若要開釋必需照原奏通  
報立案我就不管否則必要將伊等正法等語誠恐  
與他違拘必至將許懷等提到軍營處決我一時糊  
塗就照他錄供通報始將許懷等釋放我帶同教諭  
等向柴大紀面爭之時有叅將李隆等在旁目擊可

以質証等供隨傳詢江浩印宗堯李隆供俱相符復  
又密傳柴大紀任內刑書林選到案查訊據稱柴本  
官辦理匪案遇有拿到人犯實係先自具 奏獲賊  
名數後飭縣補敘口供詳報曾有陳知縣審係良民  
向柴本官爭辯釋放亦經看見等語臣思柴大紀與  
陳良翼近在同城辦理逆案內要犯俱係柴大紀恭  
請

王命遴委員弁會同該縣監視行刑乃釋放三十五名之  
多柴大紀雖諉爲不知但查柴大紀 奏報匪犯名



單內許懷等三十五名混開正法者二十八名戮屍者七名並非一次復查其容移各處稿案每於具報匪犯正法之後始行飭縣錄供具詳是柴大紀于此案貪功混報迴護朦朧實屬辜負

聖恩玩視民命除柴大紀一犯已於另案請

旨卽行正法外查陳良翼率眾守城於柴大紀已經奏報之匪犯訊明實係良民力爭釋放不致枉戮多命現據案內各士民等翕然同辭尚以陳良翼能保全無辜感激流涕出於至誠設使陳良翼並無捏報一

節於此案不但無罪而且有功乃於已經保釋之民人仍作爲正法戮屍之匪犯扶同柴大紀混行通報又不及早據實稟明至此時查辦緣坐始行情急呈稟實屬昏愎背謬事關軍務未便以柴大紀 奏報在前稍寬其罪陳良翼合依增減緊要關節朦朧奏准施行例擬斬監候請


旨定奪許懷等現在二十四名並其家屬保鄰人等概行省釋臣謹恭摺具 奏伏乞

皇上睿鑒乾隆五十三年十月十九日奉



旨陳良翼將已經保釋之民人仍作正法戮屍之匪犯扶  
同柴大紀混行通報罪固難辭但此案皆由柴大紀  
妄拿捏奏玩視民命當軍務緊要之際尚敢迴護冒  
功枉陷無辜全不慮人心渙散實屬罪不容誅若非  
陳良翼虛心研鞫痛切剖陳幾至無罪良民駢首就  
戮是陳良翼之扶同通報係為保全多命起見因而  
從中婉轉雖該員於查辦柴大紀劣跡時不即據實  
稟報直至辦理緣坐始行呈明不值再加錄用其罪  
究屬可原所有陳良翼問擬斬候之處著加恩寬免

一並即釋放回籍餘依議欽此



文正丁卯

事應奏不於



